

REXOM™ SALBUTAMOL ELIXIR 2MG/5ML

Salbutamol Sulphate (2mg/5ml)

Apakah yang ada pada risalah ini

1. Apakah kegunaan Rexom Salbutamol
2. Bagaimana Rexom Salbutamol berfungsi
3. Sebelum mengambil Rexom Salbutamol
4. Cara mengambil Rexom Salbutamol
5. Semasa menggunakan Rexom Salbutamol
6. Kesan-kesan sampingan
7. Cara penyimpanan dan pelupusan Rexom Salbutamol
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Rexom Salbutamol

Untuk pengurusan penyakit berkaitan halangan saluran udara yang boleh dipulihkan seperti asma dan pada beberapa pesakit dengan penyakit paru-paru obstruktif.

Bagaimana Rexom Salbutamol berfungsi

Rexom Salbutamol mengandungi Salbutamol Sulphate sebagai bahan aktif dan ini tergolong dalam kategori ubat-ubatan yang dikenali sebagai bronkodilator bertindak pantas. Ia digunakan dalam pengurusan penyakit berkaitan halangan saluran udara yang boleh dipulihkan.

Sebelum menggunakan Rexom Salbutamol

-Bila tidak boleh menggunakan

Jangan gunakan jika anda mempunyai hipersensitiviti terhadap salah satu bahan Rexom Salbutamol.

-Sebelum menggunakan ubat ini

Mengandung dan menyusukan anak

Berbincang dengan doktor anda sebelum mengambil ubat ini jika anda mengandung, mungkin mengandung atau menyusukan anak.

-Jika mengambil ubat-ubat lain

Beritahu doktor atau ahli farmasi anda sebelum mengambil ubat ini, termasuk mana-mana yang anda dapatkan tanpa preskripsi dari kedai farmasi, pasaraya atau kedai makanan kesihatan anda.

Sesetengah ubat dan Rexom Salbutamol mungkin berinteraksi antara satu sama lain. Ia mungkin terjejas oleh Rexom Salbutamol atau mungkin menjejaskan cara ia berfungsi terutamanya:

- Xanthines (digunakan untuk pencegahan dan rawatan asma).
- Kortikosteroid (Menurunkan tahap keradangan dalam badan, untuk merawat asma dan artritis).
- Diuretik (digunakan untuk merawat tekanan darah tinggi).

Cara mengambil Rexom Salbutamol

-Berapa banyak harus diambil

Sentiasa gunakan Rexom Salbutamol seperti yang ditetapkan oleh doktor anda. Anda perlu menyemak dengan doktor atau ahli farmasi jika tidak pasti.

-Dos biasa

Berumur 2 hingga 6 tahun

2.5 ml hingga 5.0 ml, 3 kali sehari.

6 hingga 12 tahun

5 ml, 3 kali sehari.

Lebih 12 tahun

5 ml hingga 7.5 ml, 3 kali sehari.

Lebih 65 tahun dan pesakit sensitif

5 ml, 3 kali sehari.

-Bila perlu diambil

Ambil seperti yang diarahkan oleh doktor atau ahli farmasi anda.

-Berapa lama perlu diambil

Teruskan pengambilan Rexolone seperti yang dicadangkan oleh doktor anda.

-Jika terlupa mengambil

Rujuk kepada doktor atau ahli farmasi tentang apa yang perlu dilakukan jika anda terlupa menggunakan ubat ini.

Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, tunggu sehingga sampai masa untuk mengambil dos seterusnya dan abaikan dos yang tertinggal. Jangan ambil dos berganda untuk menggantikan dos yang tertinggal.

-Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika anda atau sesiapa telah terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Pengambilan Rexom Salbutamol secara berlebihan mungkin menyebabkan:

- *Tachycardia* (peningkatan degupan jantung).
- Rangsangan sistem saraf pusat (Merangsang otak untuk meningkatkan tenaga, meningkatkan kewaspadaan, dan meningkatkan tekanan darah, denyutan jantung serta kadar pernafasan).
- Hypokalemia (Tahap kalium rendah dalam darah).
- Hiperglikemia (Tahap glukosa yang tinggi dalam darah).
- *Tremor*. (Pergerakan yang tidak disengajakan dan tidak terkawal di mana-mana bahagian badan).

Semasa menggunakan Rexom Salbutamol

-Perkara yang perlu dilakukan

- Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Rexom Salbutamol.
- Beritahu doktor anda dengan segera jika anda hamil semasa mengambil ubat ini.

-Perkara yang tidak boleh dilakukan

- Jangan ambil dos lebih daripada yang disarankan melainkan diberitahu oleh doktor atau ahli farmasi anda.
- Jangan ambil sebarang ubat baru tanpa berbincang dengan doktor atau ahli farmasi anda.
- Jangan memberi Rexom Salbutamol kepada sesiapa, walaupun mereka mempunyai simptom atau keadaan yang sama.

-Perkara yang perlu diberi perhatian

- Berhati-hati ketika memandu atau menggunakan mesin sehingga anda tahu bagaimana kesan Rexom Salbutamol terhadap anda.

REXOM™ SALBUTAMOL ELIXR 2MG/5ML

Salbutamol Sulphate (2mg/5ml)

Kesan-kesan sampingan

Seperti semua ubat-ubatan, REXOM Salbutamol boleh menyebabkan kesan sampingan, walaupun tidak semua orang mengalaminya.

Jika simptom berterusan, rujuk doktor.

Beritahu doktor anda jika anda dapati mana-mana kesan sampingan berikut atau mengalami apa-apa kesan lain yang tidak disenaraikan:

- Tremor. (Pergerakan yang tidak disengajakan dan tidak terkawal di mana-mana bahagian badan).
- Perasaan atau sensasi bahawa jantung anda berdegup kencang atau berlumba. Ia boleh dirasakan di dada, tekak, atau leher. Anda mungkin mempunyai kesedaran yang tidak menyenangkan mengenai degupan jantung anda sendiri.
- Sakit kepala
- Kekejangan otot (jarang berlaku)
- Rasa cemas atau tertekan

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers → Reporting Side Effects to Medicines (ConSERF) or Vaccines (AEFI)]

Cara penyimpanan dan pelupusan REXOM Salbutamol

-Penyimpanan

Pastikan penutup ditutup ketat. Simpan di bawah 30°C. Lindungi daripada haba dan cahaya. Jauhi ubat dari kanak-kanak.

-Pelupusan

Ubat tidak harus dilupuskan melalui air buangan atau sisa isi rumah. Dapatkan maklumat daripada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

-Rupa dan warna produk

Cecair merah jambu berperisa strawberi.

-Bahan-bahan kandungan

- Bahan aktif

Setiap 5ml mengandungi 2 mg Salbutamol Sulphate (BP)

-Bahan-bahan tidak aktif

Sodium Benzoate, Citric Acid Anhydrous, Propylene Glycol, Carboxymethylcellulose Sodium, Raspberry Red, Strawberry flavour, Menthol Crystals, Saccharin Sodium, Sodium Citrate, Purified water.

-Nombor MAL

MAL19900151AZ

Pengilang dan Pemegang

Pendaftaran Produk

KCK Pharmaceutical Industries Sdn. Bhd.

Plot 61, Bayan Lepas Industrial Park Phase 4, 11900 Bayan Lepas, Pulau Pinang, Malaysia.

Tarikh kemaskini RIMUP

24/05/2023

Nombor Siri

NPRA(R2/1)230522/1072